



Forum Ecclesiasticum

In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1719

Quæst. 885. Qualis sit obligatio voti indeterminatè concepti quoad tempus
quantitatem, individuitatem.

[urn:nbn:de:hbz:466:1-73957](#)

sum est, constat ex lumine naturæ, multò clarius
ex eodem constat, fidem datum Deo obligare ad
servandam illam; cùm etiam talis fidelitas respe-
ctu Dei sit vera religio, quâ colitur Deus. Ca-
strop. l. c.

2. Resp. Ad secundum primo: Obligatio hic
commensuratur intentioni voventis, ita ut si neque
aliud vel maius minusve; neque alio tempore, lo-
co, modove, quam quo is intendit, præstare tenea-
tur; èo quod, cùm votum sit lex privata de re aut
actione præstanta, quam sibi ipsi quis imponit,
non minus commensuranda ejus obligatio propriæ
voluntati voventis quam obligatio legis publicæ in-
tentioni & voluntati legislatoris, unde, et si obli-
gatio voti ex genere suo gravis sit, quippe grave
est Deo fidelitatem præstare & cultum debitum ex-
hibere, ut sentiunt omnes, posse tamen ex sola in-
tentione voventis obligationem non nisi ad culpam
veniale limitari, inferunt Suar. l. c. 1. 4. de voto.
c. 4. n. 7. Sanch. l. 1. de sponsal. d. 9. n. 6. quos ci-
tat & sequitur Castrop. l. c. p. 11. n. 4. contra Vasq.
1. 2. d. 15. 8. c. 4. n. 34. Sotum. de Jus. q. 2. a. 1. in
corp. Pont. l. 12. de sponsal. c. 2. n. 12. His non
obstantibus, quod obligatio promissionis Deo facta
sit ex lege divina & naturali. Nam cùm sit ex ea
non nisi dependenter à voluntate promittentis &
hæc non sit nisi ad culpam veniale lex divina non
obligabit nisi ad eam solam. Cujus contrarium est
injuramento, quod, quia consistit in adducendo
Deum in testem rei assertæ, non suscipit magis &
minus, ejus obligatio ex voluntate jurantis limitari
nequit. Neque etiam, quod in sponsalibus, pro-
fessione religionis, voto castitatis emissio in fusce-
ptione ordinum non possit promittens velle se leviter
tantum obligare, quia id in illis contractibus est
speciale; cùm hæc voluntas sit contra naturam &
solemnitatem simillimum contractuum, secus autem sit
quando res promissa non exigit hanc gravem obli-
gationem. Neque etiam quod in materia levi ne-
queat quis se velle obligare graviter, quia Deus ta-
lent voluntatem utpote perfectioni spirituali non
conducentem, sed potius salutis periculum inducen-
tem, & versantem circa materiam gravis obligatio-
nis incapaci non acceptat. ita Sanch. l. 4. sum.
c. 12. n. 6. Suar. l. c. n. 6. Castrop. l. c. n. 5. De ca-
tero ex levitate materiae posse votum obligare leviter
sentiunt Suar. l. 5. de voto. c. 4. n. 5. Nav. in
sum. c. 12. n. 40. Valent. 2. 2. d. 6. 9. 6. p. 4. q. 2.
Laym. l. 4. tr. 4. c. 3. n. 2. Azor. p. 1. l. 11. c. 15.
q. 4. Less. l. 2. c. 40. du. 9. Sanch. l. 4. sum. c. 12.
n. 5. Castrop. l. c. n. 6. cum commun. Siquidem
hæc obligatio fidelitatis suscipit magis & minus pro
materiae gravitate, ut etiam commune in omni-
bus præceptis est obligationem ex suo genere gra-
vem fieri levem seu veniale ex levitate materiae.
His iterum non obstante, quod, et si materia levis,
si tamen juramento confirmetur sit gravissima. Nam
id ex inde est, quod mendacium seu falso assertum
tribuatur Deo, quantum est ex parte jurantis, ac
æquè repugnat infallibili veritati five grave, five
levem; non autem non præstanto promissum Deo
tribuatur quid repugnans ejus bonitati aut veritati,
ita Castrop. l. c. Porro parvitas materiae in votis
inde desumenda est, unde desum solet in reliquis
præceptis, de quo videndi Theologi morales & in
specie Castrop. l. c. n. 7.

3. Resp. Ad secundum Secundo: Votum de
re aliis non præcepta solam obligationem fideliti-
tis inducit, & non simul obligationem illius virtutis,
ad quam pertinet materia promissa, et si

ad eam speciali affectu feratur vovens. Castrop.
l. c. num. 8. citans Suar. l. 4. sum. c. 3. num. 11.
contra Sanch. l. 4. de voto. c. 11. num. 6. & Va-
lent. l. c. q. 1. vovens enim, quamvis speciali af-
fectu feratur in dictam materiam, non potest il-
lius habendæ obligationem aliam sibi imponere,
quam quatenus eam Deo promittit; ex hac au-
tem ratione solum nascitur obligatio servandæ fidei
absque speciali obligatione ad materiam, utpote
qua accidentaliter respicitur, ita Castrop. l. c. in-
de cum Cajetano Sanch. & Suar. colligens trans-
gressiones votorum omnium esse ejusdem speciei
infimæ, quia eorum realitia tota consistit in non
servatis promissis, quorum diversitas materialiter
se habet ad transgressiones votorum.

4. Resp. Ad secundum Tertiò: Votum de vi-
tandis actibus solum externis editum à nolente se
obligare ad actus internos vitandos, non vide-
tur obligationem inducere, quia est de re impossibili;
cum actus externi prohiberi nequeant, nisi simul prohibeantur interni illis directè corre-
spondentes, quia sine illis esse non possunt. V. g.
fornicatio sine voluntate fornicandi, promitti
non possunt, quin & interni promittantur adeoque
nec dari obligatio vitandi externos, quin detur obligatio vitandi internos, à quibus essentialiter
dependent. Secus est de actibus internis non
conjunctionis necessariò cum externis, qualis,
quia v. g. est delectatio morosa de fornicatione,
promitti seu voveri potest vitanda fornicatio, ab-
sque eo, quod promittatur vitanda dicta delectatio
& sic non obligatur vi talis voti ad illam vi-
tandam ita ferè Castrop. l. c. n. 10. cum Sanch.
l. 4. sum. c. 11. num. 12. & Vasq. l. 2. d. 112.
c. 2. n. 9.

*Quæst. 855. Qualis sit obligatio voti in-
determinatæ concepti quo ad tempus,
quantitatem, qualitatem vel indi-
viduatatem.*

1. R Esp. Ad primum: Votum dupliciter esse po-
test indeterminatum quod ad tempus, dum
nimis non exprimitur, quo tempore executio-
ni dandum, aut quam diu durare debeat. Quod
attinet ad primum: Dum tempus, intra quod votum
executioni dandum determinatum quidem est
v. g. annus pro ingressu in religionem, mensis
pro danda eleemosyna, patiatur tamen adhuc
suam latitudinem, & sic indeterminatum quâ
parte hujus temporis implendum; dubium non est,
votum pro nulla determinata parte istius tempo-
ris obligare ad sui executionem, sed posse per se
loquendo impleri quacunque die intra illud. Ni-
hilominus tamen si quis prævideat se impediendum
ab ejus executione postrema temporis hejus parte,
teneat prævenire illum terminum v. g. dum quis
vovit die aliquo certo audire sacrum & prævidet
post horam octavam se impediendum ab eo au-
diendo, tenet illud audire ante octavam, non
secus ac contingit in impletione aliorum præcep-
torum Ecclesiasticorum, qua non prævenit quis
tempus obligationi designatum, quod est totus
v. g. annus, totum tempus matutinum, quo
missa celebrantur, sed tempus ineptum obliga-
tionis executioni ita Castrop. l. c. p. 13. num. 3.
citat Sanch. l. 4. de voto. c. 14. num. 18. Laym.
l. 4. tr. 4. c. 3. num. 5. Suar. l. 4. de voto. c. 12.
n. 7. non tamen tenetur totum tempus designatum
pxz.

prævenire seu anticipare aut etiam posticipare, V.g. qui vovit jejuniū pro die veneris, & deinde prævidet se illa die non posse jejunare, non tenetur jejunare die joviis aut Sabbathi, quia cùm mensura obligationis voti sit intentio voventis, & hæc solum sit pro tempore signata, pro alio tempore non est astruenda. Suar. l.c. à num. 5. Bonac. Tom. 2. d. 4. q. 2. p. 6. §. 1. num. 13. Castrop. l.c. num. 2. Quòd si votum editum sine ulla temporis determinatione, statim obligat & impleri debet, cùm primum spectatis circumstantiis impleri potest. Ita cum communī & certa Sylv. v. votum. 2. q. 2. & 5. Azor. l.c. c. 15. q. 10. Bonac. l.c. p. 5. §. 1. in princ. Sanch. l. 4. in Decal. c. 14. num. 5. Suar. l.c. n. 6. Castrop. l.c. num. 4. Laym. l.c. Pirh. b. t. num. 8. juxta illud Deuter. c. 23. v. 21. Cum votum voventis domino Deo tuo, non tardabis reddere, & si tardaveris, reputabuius tibi in peccatum; ex ea etiam ratione, quòd obligatio nascitur ex promissione hominis & acceptatione Dei. Is autem eam acceptat mox à facta promissione, ita tamen, ut particula: *Quam primum, statim*, quòd ad executionem accipi debeant cum aliquo temperamento & spatio temporis juxta arbitrium prudentis considerantibus circumstantias rei promissæ & conditionem voventis. Arg. l. 105. ff. de solat. l. 41. §. quoties. ff. de V. O. & §. omnis stipulatio. Iust. eod. juncta Gl. v. confessim. atque ita creditur cum tali temperamento voluisse voventem obligare; His tamen non obstantibus ex iusta causa differri potest executio pro ut constat ex c. non est. b. t. inter quas causas numeratur à Sanch. l. 4. mor. c. 14. num. 8. Castrop. l.c. Bonac. l.c. p. 5. n. 2. Pirh. b. t. num. 9. Si spes si fore, ut postmodum votum melius, quietius, majore cum devotione impleatur, v. g. si vovens ad religionis labores & austeritates perferendas nequid satis idoneus, sperat se idoneum fore post aliquod tempus, vel si differat ad acquirendam majorem in studiis eruditio, unde evadat religioni utilior, quia hoc ipsum videtur cedere ad maiorem Dei honorem. Vel si parentes agè ferant ingressum in religionem, ita Castrop. l.c. nisi tamen probabile sit periculum ex tali dilatatione secuturi impedimenti perpetui, aut valde diuturni. Si vero impedimentum reddens executionem valde difficultem, idque sit temporale, differt debet executio, donec commodiū & quietius ea fieri possit. Vel si impedimentum sit perpetuum, votum redendum seu commutandum, vel in eo dispensandum est. Pirh. n. 10. In eo vero, quando dilatio executionis constituit peccatum mortale, varie loquuntur AA. probabilitate sentire videtur cum Sanch. l. 4. de voto. c. 14. num. 12. Castrop. cit. p. 13. n. 7. in votis religionis & perpetui servitii in Xenodochio dilationem post noctam opportunitatem explendi ea ad sex menses censendam esse continere culpam gravem; eo quod cedat in gravem diminutionem cultus divini & propriæ utilitatis; secus esse de dilatione minore ob tanti operis, ac perpetui servitii exequendi difficultatem; in aliis vero votis, quorum dilatio non ita cedit in tam notabilem diminutionem cultus divini, non nisi dilationem duorum vel trium annorum esse notabilem, præscindendo tamen à periculo oblivionis, vel nimium diuturnæ dilationis alteriusus impedimenti, cui periculo se exponere foret peccatum mortale. Quod attinet ad alterum, nimirum durationem obligationis ex voto, dum illud

quòd ad hoc determinatum non est, censetur ea perpetua. V.g. dum quis absolutè vovit castitatem, vel jejuniū singulis sexis feris, censetur pro semper vovisse; secus, si vovisset jejunare nullo addito signo distributivo, tunc enim satisficeret uno jejunio. Castrop. loc. cit. p. 17. num. 22.

2. Resp. Ad secundum: Votum reale indeterminate quòd ad quantitatem & qualitatem rei promissa editum, ex ea indeterminatione non vitiatur, quia adhuc est de re honesta & possibili, nam eti illud exequi sub illa indeterminatione sit impossibile, obligat tamen ipsum votum tollere illam indifferenter. Ita Abb. in c. ex parte. de censibus n. 5. Azor. p. 1. l. 11. c. 20. q. 2. Sanch. l.c. c. 13. à num. 3. Suar. Tom. 2. de relig. l. 4. de voto. c. 7. n. 15. Castrop. l.c. n. 23. obligat autem non nisi ad quantitatem minimam & qualitatem utilem præstandam, nisi ex recepta consuetudine aliis circumstantiis contrarium colligatur. Abb. l.c. à num. 7. Azor. l.c. Suar. l.c. n. 18. Sanch. l.c. n. 8. & seq. Castrop. num. 24. Laym. l.c. c. 3. n. 3. aliquae communī juxta cit. c. ex parte. & l. nummis. ff. de legat. 3. & Arg. reg. 30. de reg. Juris in 6. in obscuris & dubiis minimum est sequendum. Ex ea etiam ratione, quòd votum, dum de mente voventis determinatè non constat, strictè interpretandum, ita ut ad plus non obliget, quām necessarium est ad verificationem rei promissæ, hæc autem æquè verificetur in minima parte sui utili. Sed neque contrarium deducitur ex L. Triticum. & l. qui insulam. ff. de V. O. juncta Gl. in L. lao, ff. de legat. 1. v. possimus. Secundum quas rei promissæ vel legatae incertitudine stipulatio & legatum redundunt nulla. Nam præterquam quòd ex nullitate legati vel promissionis prophane non inferatur rectè ad causam piam (qualis est materia voti) utpote quæ ex æquitate canonica sustinetur, ut rectè probat Tiraquel. de privileg. can. pie. privil. 55. & determinanda relinquunt arbitrio viri boni, ponderantis facultates promittentes alias circumstantias; his legibus civilibus optioni possunt alii ejusdem juris civilis textus. v. g. cit. l. nummis. Secundum quām legatum indeterminate non donandum secundum majorem quantitatem, sed secundum minorem, ne heres nimium graviter utpote quem testator præsumit quām minimum gravare voluisse, satis probable astraui Castrop. cit. num. 24. item L. cum post. §. gener. ff. de jure dotum. ubi dos generaliter nimis promissa facienda dicitur prudentis viri arbitrio juxta facultates promittentis & mariti dignitatem; favor autem causa piæ non est minor, quām favor dotis. Ideo autem in L. Titia. §. 2. ff. de auro & arg. legat. dicitur ab hæredibus ejus, qui in æde sacra vovit vel legavit statuam, potius argenteam quām auream deberi, quòd, cum in ea æde non extarent nisi statuæ aureæ & argenteæ, vel ex ipsa circumstantia satis constet de mente legantis. Ut & ob eandem rationem legatum, vel promissum calicis factum Ecclesiæ, in qua nulli calices stannei vel cuprei extant, accipiendo de calice argenteo, astraui Abb. in c. ex parte de censibus. n. 5. & Sanch. apud Wiestu. b. t. n. 23.

3. Resp. Ad tertium: Votum factum indeterminate quòd ad individuationem, dum v. g. quis ex duabus vel calicibus aut equis, quos habet, vovit unum,

non obligatur ex iis praestare pretiosiorem, sed sufficit dare, quem maluerit. Sanch. cit. l. 4. c. 13. n. 19. Molin. de j. & j. tr. 2. d. 270. n. 6. Castrop. l. c. n. 25. Bonac. Tom. 2. d. 4. q. 2. p. 6. n. 32. Arg. cit. c. exparte & l. qui ex pluribus ff. de V. O. ubi id de promissione facta inter homines habetur. Quod si vero ceteris individuis pereuntibus ante voti impletionem, remanet unicum probabilius videtur voventem adhuc obligari ad illud praestandum ut tenet Bonac. l. c. d. 404. 2. q. 6. n. 34. Castrop. cit. p. 12. n. 26. Wiesn. h. t. n. 30. ex ratione, quod in tali voto nullum individuum sit determinate promissum, sed quodlibet promissum sub disjunctione, cum faciat hunc sensum, dabo unum ex his individuis. VG. calicibus, quos habeo, sive dabo hunc vel illum, adeoque remanente uno calice, remanet tota materia sufficiens ad executionem voti & sic vovens tenetur votum implere; contrarium tamen tenentibus Molin. l. c. ver. quando res una. Sanch. l. c. eò quod unum individuum non sit magis promissum, quam alterum, cui tamen opponitur, quod omnes æquè sint promissi sub disjunctione. Quod si denique res determinata quidem promissa est, sed vovens ignorat, cui ex duabus Ecclesiis promissa, posse eam applicare uni, cui maluerit, sentit Sanch. l. c. n. 18. eò quod, cum vovens, ex cuius voluntate tota dependet obligatio, nesciat, quam ex illis Ecclesiis determinaverit; non sit, unde ejus obligatio determinata censeatur, verius tamen censem Castrop. l. c. n. 27. voventem in hoc casu teneri rem dividere. Dum enim is cognoscit, se rem uni ex illis Ecclesiis determinatè promississe, ignorat autem eum, non tollitur, quo minus uni ex illis debita fuerit ea determinatione, quam is revocare non potest; recta ratio dictam divisionem pro qualitate dubii postulare videtur, ut vel sic meliore modo possibili ex parte sua contracto debito satisfaciat, & ne aliás, rem integrè donando uni Ecclesiæ, exponat se periculo rem tradendi uni, cui ea non debetur.

Ques. 886. Votum conditionatum qualiter obliget.

1. **R**esp. Primò: Conditio de præsente vel præterito obligationem voti non suspendit, si enim ea adfuerit aut adsit, statim consurgit obligatio, si autem non adsit vel non adfuerit, votum redditur nullum, nullaque oritur obligatio. Sic neque conditio necessariò futura suspendit obligationem, cum habeatur pro impleta, quia impeditri nequit. Azor. p. 1. l. 11. c. 15. q. 9. post med. Sanch. l. 4. de voto. c. 23. n. 5. Castrop. l. c. p. 17. n. 1. sicut è contra conditio impossibilis votum reddit nullum, quia nunquam obligare potest. Secus, ac accidit in conditione impossibili adjecta matrimonio & ultimè voluntati, utpote quæ ex dispositione juris habetur pro non adiecta, qualis dispositio nulla reperitur in votis. Sanch. n. 8. Castrop. l. c. conditio quoque turpis regulariter votum reddit nullum, quia est de re illicita, cum v. g. Eleemosyna, licet de se sit honesta, promissa tamen sub conditione turpi v. g. fœminæ, si ab ea actum turpem obtinuero; mala est, quia actus ille turpis regulariter induit rationem finis, qui inficit promissionem eleemosyna aliis de se bonam. Ita Less. l. 2. c. 40. dub. 5. n. 36. Sanch. cit. 8. l. 4. c. 16. n. 17. Bonac. d. 4. q. 2. de votis p. 2. concil. 2. Castrop. l. c. qui tamen tres postremi ideo

addunt: *tò regulariter*, quia censem, quod, solum ut pura conditio apponetur, voti obligacionem non impediret.

2. **R**esp. Secundò: Voto emissio sub conditio ne futura contingente honesta, ejus obligatio suspensta manet usque ad conditionem impletam, cù autem impletâ votum obligat, ac si tunc esset emissum absolute, quia definit esse conditionatum. Quod si vero appositæ sint plures conditions copulativæ, omnes impleri debent, priusquam votum obliget, fecus, si disjunctivæ appositæ, siquidem ad verificationem propositionis copulativæ utriusque partis complementum requiritur; ad verificationem vero propositionis disjunctivæ, unius partis implementum sufficit. Quandonam autem conditio censeatur impleta: specialiter in voto ingrediendi religionem sub consensu parentum, fusc examinat Castrop. l. c. n. 3. Porro an conditio impleri debeat in forma specifica, an sufficiat impleri æquivalenter; posterius (modò tamen per æquivalentiā illam obtineatur idem effectus intentus) citatis pluribus aliis tenet Sanch. l. c. c. 23. n. 27. contrarium sentit Castrop. l. c. n. 5. juxta commune & tritum illud; conditions in forma specifica impleti debet per l. qui haredi. §. 1. & l. Mavins. ff. de condit. & demonst. quia conditio induit formam; à qua regula licet excipiuntur conditions, quæ tanquam dispositiones & media assumuntur ad effectum intentum, ita ut necessarium non sit eas in forma specifica impleri, si æquè alia viæ effectus obtinetur. Ut latè Menoch. de presump. l. 4. presump. 185. n. 6. id tamen ipsum ex juris dispositione habetur, quæ dispositio, cùm in votis eorumque obligationibus non invenitur, idem dicendum non est de conditionibus illis adiectis, cùm tota votorum obligatio non ex lege, ut in humanis contractibus, sed ex intentione voventis pendaat, eaque adstricta sit illi conditioni, non videtur sufficere, quod altera illius loco substitutur, et si finis intentus æquè, inò perfectius obtineatur; quod pluribus exemplificat Castrop. l. c. quem vide. De cetero, si impletio conditionis dependet à voluntate voventis, non teneri illum exspectare conditionis eventum, sed posse eum reddere se inhabilem ad ponendum eam, assumendo statum incompatibilem cum ea, & sic declinare obligationem voti absque eo, quod per hoc peccet; ut Sanch. l. c. c. 23. num. 40. & 41. Laym. l. 4. tr. 4. de voto. c. 6. q. 1. Suar. Tom. 2. de relig. l. 4. de voto. c. 17. n. 15. Castrop. l. c. num. 7. qui id verissimum dicit, quando conditio, sub qua votum obligat, nulla lega precipitur v. g. qui votit religionem, si luserit hoc anno, ante impletam hanc conditionem contrahendo matrimonium, quia hac nihil faciat contrarium voto, sed solum renuat conditionem sua voluntati reliquam, sub qua & non aliter obligari voluit. Secus est, si conditio pendaat à voluntate alterius; tunc enim ad eventum illius, obligandumque se tenetur non reddere impotentem sub peccato, ne aliás frustra & inutiliter sub aliena voluntate videatur subiisse obligationem, si posset eam pro libitu suo elidere & frustrate, ita Sanch. l. c. c. 23. n. 28. Bonac. cit. d. 4. q. 2. n. 5. Castrop. l. c. n. 6. Si tamen conditio ab aliena voluntate dependens sit lege prohibita, tenetur omnimodo eam impediens uti è contra obligatus est vi voti eam non impediens, si lege prohibita non est; quia vovents sub conditione pendente ab aliena voluntate in ejus voluntate.